



EBerhardus ex antiquissima comitum Vuirtembergensium familia prognatus, filius fuit Huldrici comitis, qui anno 1370 obiit. In eius ergo locū filius succedēs, ob insignem animi & corporis fortitudinem omnibus gratissimus extitit. Cum autem anno 1396 comes Mōtisbelligardi, uir belli gloria clarissimus, contra Turcas cum rege Vngariæ, duce Burgundiæ, atq; multis alijs principibus expeditionem susciperet, atque etiā succubuisset, hic Eberhardus eius filiam pulcherrimam puellam uxorem duxit, atq; hoc modo Cæsaris & aliorū procerum Germanorum uoluntate eum comitatū cū Vuirtenbergenſi ditione coniunxit. Erat Eberhar-

dus multis heroicis uirtutibus præditus. Itaque cum uicinæ urbes Imperiales ipsum iniuria quadam prouocassent, eos bello aggressus memorabili prælio superauit, atq; honestis conditionibus cum ijs pacem cōfecit. Postea magna dexteritate suam prouinciam longo tempore gubernauit, atq; anno millesimo quadringentesimo uigesimonono moriens suam ditionem Ludouico et Huldrico filijs reliquit, à quibus longa nepotum successione Vuirtenbergenſes duces prouenēre, inter quos Christophorus singularis literarum Mæcenas hodie magna gloria ijs in locis rerum potitur. id quod

ex subiecta tabula intueri licet. Ioan.
Naucler.